

**Malerrekako Mankomunitateko eta Malerrekako udaletako langileek euskara ikasteko diru laguntzak: oinarriak**

**1.- Oinarrien xedea.** Oinarri hauen xedea da euskalduntzen edo alfabetatzen ari diren Malerrekako Mankomunitateko edo hau osatzen duten udaletako langileei diru laguntza emateko modua arautzea.

**2.- Diru laguntzaren gaiak.** Diruz lagunduko dira 2012ko urriaren 1etik 2013ko abuztuaren 31ra arte egindako ikastaroen matrikula gastuak. Diruz lagunduko dira ikastaro estentsiboak, trinkoak, barnetegiak eta *on line* egindakoak.

Ez dira diruz lagunduko ikastaro teknikoak, joan-etorri gastuak, liburu eta material gastuak, barnetegietako egoitza gastuak eta ikastaroan edo euskaltegian ikasleak jarduera akademikoaren osagarri moduan egindako bertze edozein jarduerengatiko gastuak. Eskatzaile bakoitzak eskaera bakarra egin ahal izanen du.

**3.- Onuradunak.** Diru laguntza hau hartu ahal izanen dute ondoko baldintza hauek betetzen dituztenek:

1. Malerrekako Mankomunitatea edo hau osatzen duten udaletako langileek.
2. Diruz lagundutako ikastaroan asistentzia % 85etik goitiko izatea. Ez dira kontuan hartuko gaixotasunen, mediku kontsulten edo araturiko azterketetara joatearen ondorioz behar bezala justifikaturiko faltak.
3. Ikastaroaren aprobetxamendu egokia egiaztatzea.
4. Eskatzen den dokumentazioa ezarritako epean aurkeztea.

**4.- Diru laguntzaren ezaugarriak eta zenbatekoa.**

Diru laguntzak banatzerakoan kontuan hartuko da mankomunitatearen 2013ko aurrekontuko 1 4511 22610 kontu sailean esleitutako diru kopurua, 600 €. Baldintza guztiak betetzen dituzten eskaerek aurreikusitako kantitatea gaindituz gero, diru laguntza modu proportzionalan banatuko da.

**5.- Aurkeztu beharreko dokumentazioa eta epea.** Eskabideak eta gainerako dokumentazioa 2013ko irailaren 16a baino lehenago aurkeztu beharko da:

- a. Eskaera orria behar bezala beteta eta eransten den ereduari jarraituta.
- b. Nortasun agiriaren fotokopia.
- c. Matrikularen ordainagiria.
- d. Euskaltegiaren agiria, asistentzia eta aprobetxamenduari buruzko datuak ematen dituenak.



Dokumentazioa Malerrekako Mankomunitatean (Zazpigarutze, 2, beheiti. Doneztebe) aurkeztu behar dute, edo Herri Administrazioen Araubide Juridikoaren eta Administrazio Prozedura Erkidearen Legearen 38. artikulua aurreikusitako edozein lekutan.

**6.- Aurkeztutako dokumentazioan egindako okerrak zuzentzea.**

Eskatzaileak aurkeztutako dokumentazioan okerrik dagoela edo agiriren bat falta dela ikusten bada, hamar egun emanen zaizkio eskatzaileari akatsak zuzentzeko edo agiriak osatzeko. Epe hori igaro eta akatsa zuzendu edo agiriak osatu ez baditu, eskatzaileak eskaeran atzera egin duela ulertuko da.

**7.- Ebazpena.** Deialdi honetako diru laguntzak esleitzeko erabakia Malerrekako Zerbitzu Orokorraren Mankomunitateko lehendakariak hartuko du, Euskara Batzordeak proposatutako txostena ikusita. Erabaki hori interesdun guztiei jakinaraziko zaie.

**8.- Diru laguntzaren ordainketa.** Diru laguntzak ordainketa bakarrean ordainduko dira, haiek emateko erabakia hartu ondoren ordaindu ere; banku transferentzia egingen da eskatzaileek adierazitako kontu korrontearen zenbakian.

**9.- Bateragarritasuna.** Deialdi honetako diru laguntzak bateragarriak dira bertze erakunde publiko zein pribatuk helburu berberaz emandakoekin, betiere gain-finantzaketarik gertatzen ez bada.

**10.- Datuen babesa.** Eskatzaileen datuak babesteari buruzko abenduaren 23ko 15/1999 Lege Organikoan ezarritakoaren arabera tratatuko dira.

**11.- Auzibidea.** Deialdi honetan aurreikusten ez den orotarako Toki-Administrazioari buruzko uztailaren 2ko 6/1990 Foru Legea eta Diru laguntzei buruzko azaroaren 17ko 38/2003 Legea aplikatuko dira.

**12.- Errekurtsoak.** Deialdi honen aurka, baita oinarri hauen aurka eta haiek betearazteko hartzen diren administrazio ebazpenen aurka ere, errekurtsio hauetako edozein aurkezten ahalko da, aukeran:

- a) Berraztertze errekurtsioa, administrazio egintzaren udal organo egileari zuzendua, hilabeteko epean, errekurritzen den egintza jakinarazi edo argitaratu eta biharamunetik hasita.
- b) Gora jotzeko errekurtsioa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratzen denetik aitzina.



c) Administrazioarekiko auzi-errekurtsoa, administrazioarekiko auzien Epaitegiari zuzendua, bi hilabeteko epean. Errekurritzen den egintza jakinarazi edo argitaratu eta biharamunean hasiko da epe hori.



**Euskara ikasleentzako diru laguntzak:**  
**Eskaera orria**

**Eskatzailearen datuak:**

- ✓ Izen-abizenak:
- ✓ NAN:
- ✓ Helbidea:
- ✓ Posta kodea:
- ✓ Herria:
- ✓ Telefonoa:
- ✓ E-posta:
- ✓ Kontu korrontearen zenbakia:
- ✓ Lantokia:
- ✓ Lanpostua

**Euskara ikastaroei buruzko informazioa:**

- ✓ Euskaltegia:
- ✓ Urratsa(k):
- ✓ Ikastaro mota:
  - Estentsiboa
  - Trinkoa
  - Barnetegia
  - On line
- ✓ 2012ko urriaren 1etik 2013ko abuztuaren 31ra bitarteko matrikula gastuak:

€
---

**Data eta sinadura**